

大寶積經

才五十六

七十八
官六

47564



元祿九年丙子二月日重脩。

皇圖鞏固 帝階綴昌

佛日增輝 懋輪常轉

山城州天安寺法金剛院置



大寶積經卷第五十六

大唐三藏

義淨譯

官

佛說入胎藏會第十四之一

如是我聞一時薄伽梵在劫比羅城多根樹
園與大苾芻衆無量人俱尔時世尊有弟子
名曰難陀身如金色具三十相短佛四指妻
名孫陀羅儀容端正世間希有光華超絕人
所樂見難陀於彼纏綿戀著無暫捨離染愛
情重畢命爲期世尊觀知受化時至即於晨
朝著衣持鉢將具壽阿難陀爲侍者入城乞
食次至難陀門首而立以大悲力放金色光
其光普照難陀宅中皆如金色千時難陀便

作是念光明忽照定是如來令使出看乃見
佛至即便速返白難陀曰世尊在門聞此語
已即欲速出迎禮世尊時孫陀羅便作是念
我若放去世尊必定與其出家遂捉衣牽不
令出去難陀曰今可暫放禮世尊已我即却
迴孫陀羅曰共作要期方隨意去以糝濕額
而告之曰此點未乾即宜却至若遲違者罰
金錢五百難陀曰可尔即至門首頂禮佛足
取如來鉢却入宅中盛滿美食持至門首世
尊遂去即與阿難陀世尊現相不令取鉢如
來大師威嚴尊重不敢喚任復更授與阿難
陀阿難陀問曰汝向誰邊取得此鉢答曰於

佛邊取阿難陀曰宜授與佛吞曰我今不敢
輕觸大師默然隨去世尊至寺洗手足已就
座而坐難陀持鉢以奉世尊食已告曰難陀
汝食我殘不吞言我食佛即授與難陀食已
世尊告曰汝能出家不吞言出家然佛世尊
昔行菩薩道時於父母師長及餘尊者所有
教令曾無違逆故得今時言無違者即告阿
難陀曰汝與難陀剃除鬚髮吞曰如世尊教
即覓剃髮人爲其落髮難陀見已告彼人曰
汝今知不我當不久作轉輪王汝若輒尔剃
我髮者當截汝腕彼便大怖裹叔刀具即欲
辭出時阿難陀便往白佛佛便自去詣難陀

處問言難陀汝不出家答言出家是時世尊
自持瓶水灌其頂上淨人即剃便作是念我
今敬奉世尊且爲出家暮當歸舍旣至日晚
尋路而行尔時世尊於其行路化作大坑見
已便念孫陀羅斯成遠矣無緣得去我今相
憶或容致死如其命在至曉方行憶孫陀羅
愁苦通夜尔時世尊知彼意已告阿難陀曰
汝今宜去告彼難陀令作知事人即便往報
世尊令尔作知事人問曰云何名爲知事人
欲作何事答曰可於寺中檢校衆事問曰如
何應作答言具壽凡知事者若諸苾芻出乞
食時應可灑掃寺中田地取新牛糞次第淨

塗作意防守勿令失落有平章事當爲白僧
若有香華應行與衆夜閉門戶至曉當開大
小行處常須洗拭若於寺中有損壞處即應
修補聞是教已答言大德如佛所言我皆當
作時諸苾芻於小食時執持衣鉢入劫比羅
城爲行乞食于時難陀見寺無人便作是念
我掃地了即可還家遂便掃地世尊觀知以
神通力令掃淨處糞穢還滿復作是念我除
糞穢方可言歸放帚收持糞穢無盡復作是
念閉戶而去世尊即令閉一房竟更閉餘戶
彼戶便開遂生憂惱復作是念縱賊損寺此
亦何傷我當爲王更作百千好寺倍過於是

我宜歸舍若行大路恐見世尊作是思量即
趣小徑佛知其念從小道來既遙見佛不欲
相遇路傍有樹枝蔭低垂即於其下隱身而
住佛令其樹舉枝高上其身露現佛問難陀
汝何處來可隨我去情生羞耻從佛而行佛
作是念此於其婦深生戀著宜令捨離爲引
接故出劫比羅城詣室羅伐旣至彼已住毗
舍佉鹿子母園

佛念難陀愚礙染惑尚憶其妻愛情不捨應
作方便令心止息即告之曰汝先曾見香醉
山不答言未見若如是者捉我衣角即就捉
衣于時世尊猶如鵝王上昇虛空至香醉山

將引難陀左右顧眄於菓樹下見雌獼猴又
無一目即便舉面直視世尊佛告難陀曰汝
見此瞎獼猴不自佛言見佛言於汝意云何
此瞎獼猴比孫陀羅誰爲殊勝答言彼孫陀
羅是釋迦種猶如天女儀容第一舉世無雙
獼猴比之千萬億分不及其一佛言汝見天
宮不答言未見可更捉衣角即便執衣還若
鵝王上虛空界至三十三天告難陀曰汝可
觀望天宮勝處難陀即往歡喜園姝身園鹿
身園交合園圓生樹善法堂如是等處天諸
苑園華菓浴池遊戲之處殊勝歡娛悉皆遍
察次入善見城中復見種種鼓樂然竹微妙

音聲廊宇踈通床帷帳設處處皆有天妙姝
女共相娛樂難陀遍觀見一處所唯有天女
而無天子便問天女曰何因餘處男女雜居
受諸快樂汝等何故唯有女人不見男子天
女答曰世尊有弟名曰難陀投佛出家專修
梵行命終之後當生此間我等於此相待難
陀聞已踊躍歡欣速還佛所世尊問言女見
諸天勝妙事不答言已見佛言汝見何事彼
如所見具白世尊佛告難陀見天女不答言
已見此諸天女比孫陀羅誰爲殊妙自言世
尊以孫陀羅比此天女還如香醉山內以瞻
獼猴比阨羅百千萬倍不及其一佛告難

陀修淨行者有斯勝利汝今宜可堅修梵行
當得生天受斯快樂聞已歡喜默然而住介
時世尊便與難陀即於天沒至逝多林是時
難陀思慕天宮而修梵行佛知其意告阿難
陀曰汝今可去告諸苾芻不得一人與難陀
同座而坐不得同處經行不得一竿置衣不
得一處安鉢及著水瓶不得同處讀誦經典
阿難陀傳佛言教告諸苾芻苾芻奉行皆如
聖旨是時難陀既見諸人不共同聚極生著
愧後於一時阿難陀與諸苾芻在供侍堂中
縫補衣服難陀見已便作是念此諸苾芻咸
棄於我不同一處此阿難陀既是我弟豈可

相嫌即去同坐時阿難陀速即起避彼言阿
難陀諸餘苾芻事容見棄汝是我弟何乃亦
嫌阿難陀曰誠有斯理然仁行別道我道異
路是故相避答曰何謂我道云何尔路答曰
仁樂生天而修梵行我求圓最而除欲染聞
是語已倍加憂感

尔時世尊知其心念告難陀曰汝頗曾見捺
洛迦不答言未見佛言汝可捉我衣角即便
就執佛便將去往地獄中尔時世尊在一邊
立告難陀曰汝今可去觀諸地獄難陀即去
先見灰河次至劍樹糞屎火河入彼觀察遂
見衆生受種種苦或見以鉗拔舌拔齒抉目

或時以鋸剝解其身或復以斧斫截手足或以
以牟磑鑿身或以棒打稍刺或以鐵鎚粉碎
或以鎔銅灌口或上刀山劒樹碓擣石磨銅
柱鐵床受諸極苦或見鐵鑊猛火沸騰熱燄
洪流煮有情類見如是等受苦之事復於一
鐵鑊空煮炎熱中無有情觀此憂惶問獄卒
曰何因緣故自餘鐵鑊皆煮有情唯此鑊中
空然沸涌彼便報曰佛弟難陀唯願生天專
修梵行得生天上暫受快樂彼命終後入此
鑊中是故我今然鑊相待難陀聞已生大恐
怖身毛皆豎白汗流出作如是念此若知我
是難陀者生又鑊中即便急走詣世尊處佛

言汝見地獄不難陀悲泣雨淚哽咽而言出
微細聲自言已見佛言汝見何物即如所見
具白世尊佛告難陀或願人間或求天上勤
修梵行有如是過是故汝今當求涅槃以修
梵行勿樂生天而致勤苦難陀聞已情懷愧
耻默無所對尔時世尊知其意已從地獄出
至逝多林即告難陀及諸苾芻曰內有三垢
謂是媼欲瞋恚愚癡是可棄捨是應遠離法
當修學

尔時世尊住逝多林未經多日爲欲隨緣化
衆生故與諸徒衆往占波國住揭伽池邊時
彼難陀與五百苾芻亦隨佛至往世尊所皆

禮佛足在一面坐時佛世尊見衆坐定告難
陀曰我有法要初中後善文義巧妙純一圓
滿清白梵行所謂入母胎經汝當諦聽至極
作意善思念之我今爲說難陀言唯然世尊
願樂欲聞佛告難陀雖有母胎有入不入云
何受生入母胎中若父母染心共爲姪愛其
母腹淨月期時至中蘊現前當知尔時名入
母胎此中蘊形有其二種一者形色端正二
者容貌醜陋地獄中有容貌醜陋如燒杌木
傍生中有其色如烟餓鬼中有其色如水人
天中有形如金色色界中有形色鮮白無色
界天元無中有以無色故中蘊有情或有二

手二足或四足多足或復無足隨其先業應
託生處所感中有即如彼形若天中有頭便
向上人傍生鬼橫行而去地獄中有頭直向
下凡諸中有皆具神通乘空而去猶如天眼
遠觀生處言月期至者謂納胎時難陀有諸
女人或經三日或經五月半月一月或有待
緣經久期水方至若有女人身無威勢多受
辛苦形容醜陋無好飲食月期雖來速當止
息猶如乾地灑水之時即便易燥若有女人
身有威勢常受安樂儀容端正得好飲食所
有月期不速止息猶如潤地水灑之時即便
難燥云何不入父精出時母精不出母精出

時父精不出若俱不出皆不受胎若母不淨
父淨若父不淨母淨若俱不淨亦不受胎若
母陰處爲風病所持或有黃病廢癢或有血
氣胎結或爲肉增或爲服藥或麥腹病蟻腰
病或產門如駝口或中如多根樹或如犁頭
或如車轆或如藤條或如樹葉或如麥芒或
腹下深或有上深或非胎器或恒血出或復
水流或如鷓口常開不合或上下四邊闊狹
不等或高下凹凸或內有蟲食爛壞不淨若
母有此過者並不受胎或父母尊貴中有卑
賤或中有尊貴父母卑賤如此等類亦不成
胎若父母及中有俱是尊貴若業不和合亦

不成胎若其中有於前境處無男女二愛亦
不受生

難陀云何中有得入母胎若母腹淨中有現
前見爲欲事無如上說衆多過患父母及子
有相感業方入母胎又彼中有欲入胎時心

即顛倒若是男者於母生愛於父生憎若是
女者於父生愛於母生憎於過法生所造諸

業而起妄想作邪解心生寒冷想大風大雨

及雲霧想或聞大衆鬧聲作此想已隨業優

劣復起十種虛妄之想云何爲十我今入宅

我欲登樓我昇臺殿我昇床座我入草菴我

入葉舍我入草叢我入林內我入牆孔我入

籬間難陀其時中有作此念已即入母胎應
知受生名羯羅藍父精母血非是餘物由父
母精血和合因緣爲識所緣依止而住譬如
依酪瓶鑽人功動轉不已得有酥出異此不
生當知父母不淨精血羯羅藍身亦復如是
復次難陀有四譬喻汝當善聽如依青草虫

乃得生草非是虫虫非離草然依於草因緣
和合虫乃得生身作青色難陀當知父精母
血羯羅藍身亦復如是因緣和合大種根生
如依牛糞生虫糞非是虫虫非離糞然依於
糞因緣和合虫乃得生身作黃色難陀當知
父精母血羯羅藍身亦復如是因緣和合大

種根生如依棗生虫棗非是虫虫非離棗然
依於棗因緣和合虫乃得生身作赤色難陀
當知父精母血羯羅藍身亦復如是因緣和
合大種根生如依酪生虫身作白色廣說乃
至因緣和合大種根生

復次難陀依父母不淨羯羅藍故地界現前
堅韌爲性水界現前濕潤爲性水界現前溫
煖爲性風界現前輕動爲性難陀若父母不
淨羯羅藍身但有地界無水界者便即乾燥
悉皆分散譬如手握乾麩灰等若但水界無
地界者即便離散如油滴水由水界故地界
不散由地界故水界不流難陀羯羅藍身有

地水界無火界者而便爛壞譬如夏月陰處
肉團難陀羯羅藍身但有地水火界無風界
者即便不能增長廣大此等皆由先業爲因
更互爲緣共相招感識乃得生地界能持水
界能攝火界能熟風界能長難陀又如有人
若彼弟子熟調冰糖即以氣吹令其增廣於
內空虛猶如藕根內身大種地水火風業力
增長亦復如是難陀非父母不淨有羯羅藍
體亦非母腹亦非是業非因非緣但由此等
衆緣和會方始有胎如新種子不被風日之
所損壞堅實無穴藏舉合宜下於良田并有
潤澤因緣和合方有芽莖枝葉華菓次第增

長難陀此之種子非離緣合芽等得生如是
應知非唯父母非但有業及以餘緣而胎得
生要由父母精血因緣和合方有胎耳難陀
如明眼人爲求火故將目光珠置於月中以
乾牛糞而置其上方有火生如是應知依父
母精血因緣合故方有胎生父母不淨成羯
羅藍号之爲色受想行識即是其名說爲名
色此之蘊聚可惡名色託生諸有乃至少分
刹那我不讚歎何以故生諸有中是爲大苦
譬如糞穢水亦是臭如是應知生諸有中少
亦名苦此五取蘊色受想行識皆有生住增
長及以衰壞生即是苦住即是病增長衰壞

即是老死是故難陀誰於有智而生愛味卧
母胎中受斯劇苦

復次難陀如是應知凡入胎者大數言之有
三十八七月初七日時胎居母腹如楯如癰
卧在糞穢如處鍋中身根及識同居一處壯
熱煎熬極受辛苦名羯羅藍狀如粥汁或如
酪漿於七日中內熱煎煮地界堅性水界濕
性火界煖性風界動性方始現前

難陀第二七月胎居母腹卧在糞穢如處鍋
中身根及識同居一處壯熱煎熬極受辛苦
於母腹中有風自起名爲遍觸從先業生觸
彼胎時名頰部陀狀如稠酪或如凝酥於七

月中內熱煎煮四界現前

難陀第三七日廣說如前於母腹中有風名
刀鞘口從先業生觸彼胎時名曰閉尸狀如
鐵箸或如蚯蚓於七日中四界現前

難陀第四七日廣說如前如母腹中有風名
為內開從先業生吹擊胎箭名為捷南狀如
鞋襖或如溫石於七日中四界現前

難陀第五七日廣說如前於母腹中有風名
曰攝持此風觸胎有五相現所謂兩臂兩脛
及頭譬如春時天降耳雨樹林鬱茂增長枝
條此亦如是五相顯現

難陀第六七日於母腹中有風名曰廣大此

風觸胎有四相現謂兩肘兩膝如春降雨莢
草生枝此亦如是四相顯現

難陀第七七日於母腹中有風名為旋轉此
風觸胎有四相現謂兩手兩脚猶如聚沫或
如水苔有此四相

難陀第八七日於母腹中有風名曰翻轉此
風觸胎有二十相現謂手足十指從此初生
猶如新雨樹根始生

難陀第九七日於母腹中有風名曰分散此
風觸胎有九種相現謂二眼二耳二鼻并口
及下二穴

難陀第十七日於母腹中有風名曰堅韌令

胎堅實即此七日於母胎中有風名曰普門
此風吹脹胎藏猶如浮囊以氣吹滿
難陀第十一七日於母胎中有風名曰踈通
此風觸胎令胎通徹有九孔現若母行立坐
卦作事業時彼風旋轉虛通漸令孔大若風
向上上孔便開若向下時即通下穴譬如鍛
師及彼弟子以橐扇時上下通氣風作事已
即便隱滅
難陀第十二七月於母腹中有風名曰曲口
此風吹胎於左右邊作大小腸猶如藕絲如
是依身交絡而住即此七日復有風名曰穿
髮於彼胎內作一百三十節無有增減復由

難陀第十三七日於母腹中以前風力知有
飢渴母飲食時所有滋味從臍而入藉以資
身

難陀第十四七日於母腹中有風名曰線口
其風令胎生一千筋身前有二百五十身後
有二百五十右邊二百五十左邊二百五十
難陀第十五七日於母腹中有風名曰蓮華
能與胎子作二十種脉吸諸滋味身前有五
身後有五右邊有五左邊有五其脉有種種
名及種種色或名伴或名力或名勢色有青
黃赤白豆酥油酪等色更有多色共相和雜
難陀其二十脉別名有四十脉以為着屬合

有八百吸氣之脉於身前後左右各有二百
難陀此八百脉各有一百道脉眷屬相連合
有八萬前有二萬後有二萬右有二萬左有
二萬難陀此八萬脉復有與多乳穴或一孔
二孔乃至七孔一一各與毛孔相連猶如藕
根有多孔隙

難陀第十六七日於母腹中有風名曰月露
行此風能為方便安置胎子二眼處所如是
兩耳兩鼻口咽胸臆令食入得停貯之處能
令通過出入氣息譬如陶師及彼弟子取好
泥團安在輪上隨其器物形勢安布令無差
舛此由業風能作如是於眼等處隨勢安布

乃至能令通過出入氣息亦無喪失

難陀第十七七日於母腹中有風名曰毛拂
口此風能於胎子眼耳鼻口咽喉胸臆食入
之處令其滑澤通出入氣息安置處所譬言如
巧匠若彼男子取塵翳鏡以油及灰或以細
上持拭令淨此由業風能作如是安布處所
無有障礙

難陀第十八七日於母腹中有風名曰無垢
能令胎子六處清淨如日月輪大雲覆蔽猛
風忽起吹雲四散光輪清淨難陀此業風力
令其胎子六根清淨亦復如是

難陀第十九七日於母腹內令其胎子成就

四根眼耳鼻舌入母腹時先得三根謂身命
意

難陀第二十七目於母腹中有風名曰堅固
此風依胎左脚生指節二十骨右脚亦生二
十骨足跟四骨踵有二骨臑有二骨脛有二
骨腰髀有三骨脊有十八骨肋有二十四骨
復依左手生指節二十骨復依右手亦生二
十腕有二骨臂有四骨胸有七骨肩有七骨
項有四骨頷有二骨齒有三十二骨髑髏四
骨難陀譬如素師或彼弟子先用鞭本作其
相狀次以繩纏後安諸泥以成形像此業風
力安布諸骨亦復如是此十大骨數有二百

除餘小骨

難陀第二十一日於母腹中有風名曰生起能令胎子身上生肉譬如泥師先好調泥泥於牆壁此風生肉亦復如是

難陀第二十二日於母腹中有風名曰浮流此風能令胎子生血

難陀第二十三日於母腹內有風名曰淨持此風能令胎子生皮

難陀第二十四日於母腹中有風名曰滋漫此風能令胎子皮膚光悅

難陀第二十五日於母腹中有風名曰持城此風能令胎子血肉滋潤

難陀第二十六七日於母腹中有風名曰生
成能令胎子身生髮毛爪甲此皆一一皆脉
相連

難陀第二十七七日於母腹中有風名曰曲

鑰此風能令胎子髮毛爪甲悉皆成就難陀

由其胎子先造惡業慳澁恡惜於諸財物堅

固執著不肯惠施不受父母師長言教以身

語意造不善業日夜增長當受斯報若生人

間所得果報皆不稱意若諸世人以長為好

彼即短若以短為好彼即長以廣為好彼即

細若以細為好彼即廣若支節相近為好彼

即相離若相離為好彼即相近若多為好彼

即少若少為好彼即多愛肥便瘦愛瘦便肥
愛怯便勇愛勇便怯愛白便黑愛黑便白難
陀又由惡業感得惡報聾盲瘡痍愚鈍醜陋
所出者鄉音人不樂聞手足孱癯形如餓鬼親
屬皆憎不欲相見況復餘人所有三業向人
說時他不信愛不將在意何以故由彼先世
造諸惡業獲如是報難陀由其胎子先修福
業好施不慳憐愍貧乏於諸財物無吝著心
所造善業日夜增長當受勝報若生人間所
受果報悉皆稱意若諸世人以長為好則長
若以短為好則短廣細合度天節應宜多少
肥瘦勇怯顏色無不愛者六根具足端正超

倫辭辯分明音聲和雅人利皆具見者歡喜
所有三業向人說時他皆信受教念在心何
以故由彼先世造諸善業獲如是報難陀胎
若是男在母右脇躡踞而坐兩手掩面向母
脊住若是女者在母左脅躡踞而坐兩手掩
面向母腹住在生藏下熟藏之上生物下領
熟物上刺如縛五處插在大標若母多食或
時少食皆受苦惱如是若食極膩或食乾燥
極冷極熱鹹淡苦酸或太甘辛食此等時皆
受苦痛若母行欲或急行走或時危坐久坐
久卧跳躑之時悉皆受苦難陀當知處母胎
中有如是等種種諸苦逼迫其身不可具說

於人趣中受如此苦何況惡趣地獄之中苦
難比喻是故難陀誰有智者樂若生死無邊
苦海受斯厄難

難陀第二十八七日於母腹中胎子便生八
裡顛倒之想云何為八所謂屋想索想園想
樓想閣想想樹想想林想想床座想河想池想而實

無此妄生分別

難陀第二十九七日於母腹中有風名曰華

俊此風能吹胎子令其形色鮮白淨潔或由

業力令色驚黑或復青色更有種種雜類顏
色身令乾燥無有滋潤白光黑光隨色而出

難陀第三十七日於母腹中有風名曰鐵口

此風能吹胎子髮毛爪甲令得生長白黑諸
元皆隨業現如上祈說

難陀第三十一七日於母腹中胎子漸大如
是三十二二十三三十三三十四三十七日已來增

長廣大

難陀第三十五七日子於母腹支體具足

難陀第三十六七日子不樂住母腹中

難陀第三十七七日於母腹中胎子便生三

種不顯例想所謂不淨想臭穢想黑闇想依

一分說

難陀第三十八七七日於母腹中有風名曰藍

華此風能令胎子轉身向下長舒兩臂趨向

產門次復有風者曰越下由業力故風吹胎
子令頭向下雙脚向上將出產門難陀若彼
胎子於前身中造業惡業并隨人胎由此因
緣將欲出時手足橫亂不能轉側便於母腹
以取命終時有智慧女人或善鑿者以煖蘇
油或榆皮汁及餘滑物塗其手上即以中指
或薄刀子利者錄芒因北黃廟黑閣真藏可
惡坑中有無量千蟲恒所若止臭汁常流精
血腐爛深可狀患薄皮覆蓋惡業身瘡於斯
穢處惟手令人以利刀子鑿割兒身片片抽
出其母由斯受不稱意極痛幸苦因此命終
設復得存與死無異誰陀若彼胎子善業所

